



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo, Decano, & Capitulo Compostellan.

urn:nbn:de:hbz:466:1-20006

latur. Sanè sicut non debet hæretica pravitas tolerari, sic enervari non debet religiosa simplicitas; ne vel patientia nostra hæreticis audaciam subministret, vel simplices impatientia multa confundat, ut nobis diruptis convertantur in arcum perversum, & in hæreticos de simplicibus commutentur. Sanè significasti nobis per litteras tuas, frater Episcop, quod tam in diocesi quam urbe Metensi &c. *at suprà usque ad verbum in occulto.* Quia verò in dubiis non est de facili sententia proferenda, cùm quòd vel iidem errent in fide, vel à doctrina discrepant salutari, nobis per tuas litteras, frater Episcop, non duxeris exprimendum, cùm opinionem & vitam eorum penitus ignoremus qui sacras scripturas taliter transtulerunt, aut eorum qui docent taliter jam translatas, quorum neutrum potest fieri sine scientia litterarum, licet in his arguendi meritò videantur quòd occulta conventicula celebrant, officium sibi &c. *usque ad verbum non inhærent;* discretioni vestra per apostolica scripta mandamus atque præcipimus quatenus eos commovere diligenter studatis, rationibus & exhortationibus innitentes, ut ab his in quibus apparent reprehensione notabiles, omnino desistant, nec officium sibi vindicent alienum. Inquiratis etiam sollicitè veritatem quis fuerit auctor translationis illius, quæ intentio transferentis, quæ fides utentium, quæ causa doceendi, si sedem apostolicam & catholica Ecclesiam venerentur; ut super his & aliis quæ necessaria sunt ad indagandam plenius veritatem per litteras vestras sufficienter instrucci, quid statui debeat melius intelligere valeamus. Revocandi autem eos & convincendi secundum scripturas super his quæ reprehensibilia denotavimus, viam vobis in litteris, quas communiter illis dirigimus, aperimus. Datum Laterani IIII. Idus Iulij.

*ARCHIEPISCOPO, DECANO,
& Capitulo Compostellan.*

EA quæ concordia vel judicio &c. *usque ad verbum assensu,* ad exemplar felicis recordationis Alexandri Papæ prædecessoris nostri concordiam quæ inter vos & Vu. Vicecomitem & G. filium ejus Vercellen. cives, super hospitiali & Ecclesia sancti Iacobi de Cassina,

mediante venerabili fratre nostro Taurin. Episcopo & dilecto filio Hard. Mediolan. Ecclesiae Canonico facta dignoscitur, sicut de beneplacito utriusque partis stabilita est, & tuo, frater Archiepiscop, subsequente assensu firmata, & hinc inde susceptra, & hactenus observata, auctoritate vobis apostolica confirmamus, & præsentis scripti pagina communimus. Statuentes ut sicut in authentico scripto ipsius transactionis habetur, post decepsum prædicti G. & Iacobi fratris ejus, nullum jus sive foundationis seu advocationis aut cujuslibet alterius rei quisquam de cognatione eorum in prædicta Ecclesia vel hospitali valeat vendicare, sed in potestate & regimine Compostellan. Ecclesiae, sine injuria Vercellen. Episcopi, remaneant absolute. Præterea refutacionem quam super jure foundationis & advocationis vel alterius cujuslibet rei, quod sibi quoconque modo competere videbatur, in prefata Ecclesia sive hospitali prefatus Vu. pro se & heredibus suis per instrumentum publicum spontaneè fecit, ratam decernimus permanere. Nulli ergo &c. confirmationis & constitutionis &c. Datum ut suprà.

*PETRO COMPOSTELLAN.
Archiepiscopo.*

*Epiſt. 144.
Vt Abbas &
monasterium
de Antealtaria
Compostellano
Episcopo
subjectum sit.*